

R. C. A. D. Cons. Ergo ille filiusfamilias *adhuc qua filiusfamilias* poterat condere testamentum N. Filiusfam. *emancipatus* C. Lex cit. intelligenda est de casu, quo filius ex adoptione iterum emancipatus fuit; ut: Mævius filium suum naturalem dedit in adoptionem Caio, quo facto filius transivit in potestatem Caui (jure novo, si Caius esset unus ex ascendentibus; jure Digestorum autem et si fuisset extraneus) adoptione durante filius in potestate Caui constitutus testari non potuit: sed postea a Caio-emancipatus fuit, testamentum condidit, patre naturali Mævio exhaeredato: queritur, an Mævius habeat querelam inofficiosi testamenti? ac respondeatur in cit. L. affirmative; quia non filiusfamilias, sed emancipatus testamentum fecit.

332. Obj. V. Potest filiusfamilias per L. 23. §. 1. ff. *de mort. caus. donat.* consentiente patre donare mortis causa; ergo et, saltem consentiente patre, testari de peculio adventitio extraordinario. Prob. cons. Donatio enim mortis causa æque species ultimæ voluntatis est, quam testamenti factio, L. 4. C. *de donat. mort. caus.*

Observa, variare hic Jurisconsultorum sententias. Alii, ut HARPRECHT, SENUTTI, affirmant, posse filiumfamilias donare mortis causa, licet non sit paterfamilias, quod hoc non requiratur ad donationem ejusmodi, cum adhuc sit species actus inter vivos; sive donasse dicatur L. 23. ff. *de mort. caus. donat.* istud tamen exigunt, ut de consensu patris fiat donatio. Alii cum VINNIO, quod etiam citra consensum patris donare possit mortis causa, contendunt, eo quod omnis dispositio inter vivos de peculio extraordinario concessa sit filiosfamilias; donatio autem mortis causa sit quoad modum actus inter vivos. Sed his missis

R. N. Ant. Quia donatio mortis causa ab Imperatore legatis adæquata est, L. fin. C. *de donat. mort. caus.* Et regula generalis est, quod, qui testari non potest, neque mortis causa donare possit; proinde sicut, consentiente licet patre, testari non potest, sic neque donare mortis causa, L. 6. ff. *qui test. fac. poss.*, L. 6. §. 3. ff. *de Jur. Codicill.*, L. 1. ff. *de Tut. et rat. distr.*

Neque obstat L. 23. ff. *de mort. caus. donat.* ubi filius donasse mortis causa dicitur cum consensu patris; illa enim donatio non de peculio adventitio extraordinario, sed profectio facta censeri debet, quia tempore Digestorum aliud non erat notum quam profectitum et castrense; de castrensi vero etiam sine consensu patris donare potuit; dum autem de profectio donasse dicitur cum consensu patris, potius pater censetur donasse per L. 9. §. 2. ff. *de donat.* sive filius tantum instrumentum fuit, sicut si alius rem meam meo donaret nomine. At donatio mortis causa *strictè dicta*, quæ absenti et ignorantis fit, a filiosfamilias fieri nequit, æque parum quam legata, ad quorum exemplum ferme per omnia redacta est, L. 15. 17. 35. 37. pr. ff. h. t. L. fin. C. h. t. Unde insinuatione non indiget, L. fin. cit. Dominium transfert, et si revocabile, dum donator vivit, L. 29. et 30. ff. h. t. Nec nisi quinque adhibitis testibus fieri potest, L. fin. §. ult. C. *de Codic.* In ea locus substitutioni est, L. 10. ff. L. 1. C. h. t. Cautioni Mucianæ, Nov. 22. c. 44. Juri accrescendi, L. un. §. 14. C. *de ead. toll.* Quin Falcidie, L. 2. C. h. t.

ARTICULUS V.

QUID DOMINI AC JURIS COMPETAT PUPILLIS AC MINORIBUS? AC SIMIL DE TUTORIBUS ET CURATORIBUS.

333. *Præmitto.* Homines ab ætate dividi in impuberes ac puberes. Impuberes in sensu juris civilis sunt, qui determinatam a jure ætatem nondum compleverunt, quæ diversa est pro maribus ac feminis; *impubes mas* est, qui nondum decimum quartum ætatis annum; *impubes femina*, quæ nondum duodecimum perfecte expletum. Determinavit hoc tempus ipsum jus pr. Inst. quib. mod. tut. fin. ac alibi, eo quod plerumque ante id ætatis non soleat adesse habitudo ad generandum. Unde hoc ante tempus, et si malitia suppleret ætatem, hoc est, et si hic et nunc citius adasset generandi potentia, nondum homines impuberes capaces sunt ad effectus illos civiles, quos jus pubertati adnexit. *Puberes* autem sunt, quam primum dictos annos egressi fuerint.

Impuberes ante expletum ætatis septennium in jure *infans*, L. 14. ff. *de Spons.*, L. 1. ff. *de adm. Tut.* dicitur, ex præsumptione generali, quod communiter ante eam ætatem usu rationis homo non polleat. Naturaliter loquendo alias infans est, qui sufficientem rationis usum non habet ad discernendum a malo bonum, licet septenni major sit; uti e contra hoc sensu infans non est, in quo rationis usus legale septennii tempus anteverit.

Impuberes patre orbati *pupilli* vocantur, si utroque parente privati, orpani, qui tamen, quoad effectus juris, priorum nomine simul veniunt; puberes vero patre destituti ab anno 14. completo usque ad 25. *minores*, vel *minorennes* dicuntur; ac tandem a perfecte expleto 25. ætatis anno *majores*, sive *majorennes*, attento jure communi, Tit. ff. ex quib. caus. Maj. in integr. rest. nisi ante veniam ætatis impetraverint a summa potestate, vel eo, cui hoc summa potestas concessit, ut Comite Palatino, L. 1. 2. 3. C. *de his, qui ven. etat. impetr.*: quam veniam vi *juris comm. Rom.* impetrare possunt masculi, cum sunt 20.; feminæ, cum 18. annorum sunt, L. 2. cit.; cum enim feminæ biennio citius a tutela liberentur, quam masculi, cur non etiam, si velint, prius a cura liberari possent, præsertim cum non tam non prodigæ, quam suarum rerum tenaces, ad illasque præ masculis attentæ esse soleant. Cæterum *jure provinciali* hic illuc minor ætas quam 25. annorum ad majorenitatem sufficit: sic jure Saxonico sufficiunt anni 21. Præterea in Imperio filii Principes Electores vi Aureæ Bullæ anno 18. ætatis majorennes evadunt; ac quidam alii Imperii Principes ex privilegio Cæsareo.

334. *Dico I.* Pupilli, etsi veri sint rerum suarum domini, de iis tamen pro arbitrio sine auctoritate tutoris disponere non possunt.

Prob. 1^a. pars. Pupillus enim verus hæres est defuncti patris, in hujus igitur jus et dominium succedit; unde ad Gal. 4. ait Apostolus: *Quanto tempore hæres parvulus est, nihil differt a servo, cum sit dominus omnium.* Nec obest veritati dominii, quod pupillus pro suo placito nequeat de rebus suis eas alienando disponere; hoc enim non ex defectu dominii, sed sufficientis usus rationis ad res debite administrandas requisiti oritur, qua de causa jura illud pupillo non permittunt. Deinde disponit de rebus suis per tuto-

rem, cuius voluntas fictione juris est eadem cum voluntate pupilli. Vid. num. 337.

Prob. 2^a. pars. Ex pr. Inst. de Auct. Tutor. ubi haec datur regula, quando necessaria sit tutoris auctoritas : *Auctoritas tutoris in quibusdam casibus pupillis necessaria est, in quibusdam non est; ut si quid dari sibi stipulentur, non est necessaria: si alii promittant, est necessaria. Nempe placuit, meliorem quidem conditionem licere eis facere, sine tutoris auctoritate; deteriorem vero non aliter, quam cum ea; unde in causis, in quibus obligationes mutuae nascuntur, ut in emptioribus, venditionibus, etc. si tutoris auctoritas non interveniat, ipsi quidem, qui cum his contrahunt, obligantur; at invicem pupilli non obligantur.*

Unde consequitur 1^o. quod pupillus sine tutoris interventu possit stipulari sibi: acceptare donationes, remissiones, verbo, ex quocumque titulo lucrativo acquirere, quia in mere lucrativis meliorem suam conditionem facit; nec, quod in favorem ejus est introductum, ut scilicet tutorem adhibeat, in ejus detrimentum detorqueri debet *L. 6. C. de LL. 2^o.* Non vero sine auctoritate tutoris potest ipse donare, promittere, remittere, quomodolibet alienare, quia in his conditionem suam redderet deteriorem. 3^o. Contractus utrinque onerosi, inscio tute, cum pupillo initi, etsi obligent alias contractantes pupillo, non tamen per illos pupillus obligatur aliis; unde hi contractus claudicare dicuntur. Idque saltem pro foro civili certum; an aequo pro foro interno, alibi discutiemus.

Porro auctoritas tutoris in *ipso negotio* juxta §. 2. *Inst. de Auct. Tut.* interponi debet, hoc est, antequam partes transeant ad alium actum. Potest igitur interponi adhuc post contractum, si modo in continent fiat, dum adhuc quasi statur in negotio, ante scilicet, quam ad alia partes deveniant; auctoritatis enim interpositio solemnitas est ad integrandam pupilli personam in ordine ad gerendum negotium necessaria; solemnitas vero, qua est ad integrandam personam necessaria in ipso actu, necesse est, interveniat; vel secus, actus erit invalidus, arg. *L. 137. pr. ff. de V. O.*

335. *Dices 1^o. Quod in uno ex correlativis statutum est, statui quoque debet in altero, L. fin. ff. de Acceptil.; ergo si contrahentes obligentur pupillo, etiam hic illis obligari debet.*

R. D. Ant. Si pro correlativo utroque eadem stet ratio *C.* si non *N.* Est vero hic dispar ratio: pupillus enim, cum infirme etatis ac judicii sit, facile ab adulto circumveniri potest; aequum igitur fuit, ut lex pupillo favaret. Hanc vero legem adultus ignorare non potest, saltem non debet; scienter igitur cum pupillo contrahens sibi imputet, quod ipse pupillo, non vicissim hic ipsi obligatur; hoc est, ut in pupilli arbitrio sit, velitne, sine consensu contractantis alterius, a contractu recedere, vel non; alter vero resilire non possit sine consensu pupilli.

At, quia tamen hoc perquam incommodum est alteri, utpote qui sic perpetuæ obligationis nexus obstrictus manet, cum contra pupillus extra omne vinculum sit; jus hoc incommodum sic temperavit, ut alteri contrahenti licet adversus pupillum agere, ut auctore tute declareret, velitne contractum implere, vel ab eo recedere, *L. Julianus. 43. §. 29. ff. de Act. Empt.* Qua declaratione facta, pupillo variare amplius non licet, sed per hanc jus

suum omne, quod habuerat antea, consumpsisse censem. *Arg. L. 20. ff. de Opt. Legat.*

336. *Dices 2^o. Si pupillus non egeat auctoritate tutoris in lucrativis; ergo etiam sine ea potest adire hereditatem, petere possessionem, suscipere fideicommissum.*

R. N. illat. ex §. 1. Inst. de Auct. Tut. ubi haec tria in specie pupillo denerantur. Ac ratio est, quod, etsi actiones illæ per se loquendo lucrativæ sint; sœpe tamen periculum lesionis subest, cum secum trahant obligationes alias, ac periculosas lites. Sic qui hereditatem adit, obligatur creditoribus et legataris, *L. 8. ff. de acquir. Her.* Deinde aditio hereditatis solemnitatem desiderat juris, ejusmodi vero actiones auctorem pariter tutorem desiderant, *L. 19. ff. de Auct. Tut.* Demum in aditione hereditatis maturo animi iudicio opus est, *L. 20. 28. ff. de acquir. Her.* quia in hereditate etiam lucrosa onera metuenda, *L. 4. in fin. ff. ad senatusconsultum Treb.* tale vero iudicium in pupillo deest. Intellige haec de hereditate *extranei*, non vero patris, quam ipso iure, sine tute pupillus acquirit, *L. 8. pr. ff. de acquir. Her.*

Inst. 1. Sed L. 26. ff. de conditionib. Institutioni. si pupillus sub conditione heres institutus fuerit, conditioni etiam sine auctoritate tutoris parere potest; ergo etiam.

R. N. Cons. Nam longe aliud est ponere conditionem, qua posita quis acquirit jus adeundi hereditatem; aliud actu adire hereditatem: in priori nihil laeditur pupillus; nec subeundi damni periculo expónitur, sed lucratur jus absolutum adeundi hereditatem; sed actu adeundo est in periculo lesionis.

Inst. 2. L. 7. v. nisi etiam impuberi. C. qui admitti ad bonor. poss., L. 18. in fin. C. de jure. delib. absolute edicitur, etiam sine auctoritate tutoris posse pupillum petere bonorum possessionem, imo etiam impetrare.

*R. D. Sine auctoritate tutoris, et etiam sine auctoritate Prætoris *N.* non tamen sine auctoritate Prætoris, tutorem supplementis *C.* Responsio ex ipsis cit. *LL.* colligitur.*

337. *Dico II. Minor, vel minorennis etsi bonorum suorum retineat dominium, sine tamen curatoris consensu, si quem habet, nequit de iis valide disponere, plane sicut de pupillo dictum. Ac constat ex L. 3. C. de in integr. restit. Minor.*

Ratio vero est, quod curator non minus detur a jure rebus minoris, quam tutor rebus pupilli, ne in iis laeditur, cum, ex *L. LÆTORIA*, universum juvenitatis fragile consilium sit, et multis suppositum captionibus.

Dixi vero 1^o. sine curatoris consensu, si quem habet; si enim curatorem non acceperit (quod hodie non est infrequens, etsi perraro pupillus relinquatur absque tute), minor valide obligatur, cum eo casu possit de rebus suis disponere; ut tamen, si lesus fuerit, probata lesione, gaudeat beneficio restitutionis in integrum, *L. 3. cit.* Haec vero ipsa in integrum restitutio valorem actus supponit.

Competit vero hoc beneficium minoribus quomodocumque laesis, licet curator consenserit, *L. ult. C. si advers. rem judic. Tit. C. si Tut. vel Curat. interv.* imo etiamsi intervenisset magistratus decretum, *L. 11. C. de præd. et al. reb. min. sine decr. non alien. exceptis duntaxat sequentibus casibus,*

1º. si major factus rem ratam habuerit, vel jam major perfecerit, quod adhuc minor ceperat; ita et si litem, quam cœpit minor, absolverit factus major, nisi adversarii dolo lis eo usque protelata fuisset. Primum constat L. 3. ff. h. t. Tit. C. si maj. fact. De reliquis par ratio est, et Doctorum sententia. 2º. Si minor cum minore negotium habuerit, L. 11. §. 6. ff. de Minor. 25. ann. L. 34. ff. eod. 3º. Si majorem se dolose dixerit, Tit. C. si. Min. se Maj. 4º. Si citra colum, metum, contractui apposuerit juramentum, Auth. Sacram. pub. C. si advers. vendit. 5º. Si veniam aetatis impetrarit, modo non Iesus tunc sit alienando immobilia, L. 3. C. de his, qui ven. aet. 6º. Si Iesus casu fortuito, L. 11. ff. de mino. 7º. Si ex decreto judicis solutum, L. 25. C. de Admin. Tut. 8º. Si Iesus a parente, vel patrono, personarum reverentia omnem ei excludente restitutionem, L. ult. qui et advers. quos in integr. 9º. Si minori actio alia ordinaria in promptu sit, L. 16. ff. de Min. Demum si obstat præscriptio longissimi temporis, L. ult. C. in quib. caus. in integr. rest.

Dixi 2º. de bonis; potest enim personales obligationes contrahere, si ad rerum alienationem non tendant, ac terminative reales non sint. Sic valide contrahit sponsalia ac matrimonium; profitetur religionem: ad operam personalem quamlibet se obligat, L. 101. ff. de V. O.

338. *Dico III.* Pupillo tutor, minori curator dari solet.

Colligitur ex hactenus dictis. Differunt autem: 1º. Tutor principaliter personæ pupilli datur, ac in consequentiā administrandis bonis; contra curator rebus gerendis et administrandis, L. 8. C. de Nupt. Nov. 117. c. 1. 2º. Finitur tutoris officium, pupillo pubertatem adepto; alterum curatoris, cum minor factus major, sive expletis legalibus annis, sive impetrata aetatis venia. 3º. Invitis pupillis tutor datur; at attento jure communi Romano, curator minori non nisi volenti, præterquam in item, §. 2. Inst. de Curat. 4º. Tutor etiam testamento dari potest, secus curator, §. 1. Inst. h. t. Hodie tamen generali Germaniae consuetudine indistincte minores compelli possunt, ut curatores recipiant in negotiis quibuscumque etiam extrajudicialibus usque ad majorem aetatem, nisi veniam impetraverint aetatis, quod et velle videtur *Ordinatio Politica RUDOLPHI II. de anno 1577. Tit. 32. §. 1.* Unde et vi *Ordin. Polit. ejusd. et consuetudinis curatorem etiam testamento constitui posse, indubium est.* Demum curator etiam majoribus subin datur rebus suis recte precessé non valentibus, ut prodigis, furiosis, mente captis.

Cæterum tam tutor, quam curator, 1º. confidere debent iuventarium bonorum ac iurium pupilli, vel minoris, velut rationum reddendarum fundamen tum. 2º. Praestare satisdatiōnem, sive cautionem *res pupillo vel minori salvā fore.* Inst. h. t. Ac licet ab hac obligatione olim immunes essent ii, in quos nulla cedebat suspicio, ac proinde tutores testamentarii, quod, cum paterno essent judicio electi, testator censeretur eorum comprobasse fidem ac diligentiam; modo tamen ex *Reform. Polit. a CAROLO V. ad satisdatiōnem tenebunt omnes, adjecto juramento;* quod tamen alicubi vi consuetudinis solum sufficit. 3º. Tenebunt ad culpam, non quidem levissimam, tamen levem, L. 7. C. arbit. Tut.

Unde varia pupillo contra tutorem actio nascitur: actio tutelæ: actio ex stipulati rem pupilli salvam fore: actio hypothecaria, quatenus bona tutoris sunt tacite hypothecata pupillo a tempore susceptæ tutelæ, ita, ut ad quem-

cumque devenerint possit ea extrahere, ut sibi satisfiat, L. pro off. C. de Admin. Tut. tot. tit. ff. de sidejuss. et nomin. Idem de minore respectu curatoris dixeris.

339. *Dico IV.* Triplici modo tutores constituuntur: testamento: a lege: a magistratu; unde tutela triplex oritur: testamentaria: legitima: dativa.

Tutela, in genere est *vis et potestas in capite libero, ad tuendum eum, qui propter aetatem suam se defendere nequit, data ac permissa.* Dicitur *vis et potestas*, id est, facultas et jus faciendi aliquid, tutori competens, suntque due voces, quæ idem expressius denotant, saepius in jure conjutgi solitæ, L. 17. ff. de LL. §. 3. Inst. de Interdict., L. 7. C. de Codicill. In *capite libero*, sive in personam pupilli liberam, tum a potestate patris, tum potestate dominativa, qualis est domini in servum; adeoque in eum qui sui juris est; pupillus enim et liber et sui juris esse debet, L. 6. et fin. L. 14. ff. h. t. *Ad tuendum*, etc. unde liquet principaliter tutorem personæ dari, rebus potius in consequentiam. Demum ex his *data ac permissa* collegerunt Romani, tutelam esse munus publicum, ipsumque filium familiæ ejus suscipiendæ capacem esse.

Testamentaria est, cum parentes liberis ac nepotibus in sua potestate constitutis, nisi post mortem avi recidant in potestatem patris, *testamento* tutores, dant, §. 3. Inst. de Tutel. Jus enim dandi tutores patriæ potestatis effectus est. Unde 1º. pater filio exhaeredato dare tutorem potest, L. 4. 31. ff. de Testam. Tut. quia exhaeredatio patriam potestatem non evertit, L. fin. ff. unde legitim. neque statim, sed primum post haereditatem aditam jus sui haereditis extinguit. 2º. Potest dare posthumo, sive ventri, §. 4. Inst. h. t. is enim, ubi de favore ejus agitur, licet adhuc in ventre sit, pro nato habetur, L. qui in utero 7. ff. de stat. hom. itaque jam esse in patris potestate singitur. 3º. Nequit tamen dare emancipato. 4º. Neque mater dare tutorem potest suis liberis, quia hos in potestate non habet, nisi eos simul haeredes instituerit, L. 4. ff. de Testam. Tut. tum enim, quia rei, sive haereditati potius testamento relicta, quam personæ videatur dedisse tutorem, sustinetur ea tutoris datio ob benignam voluntatem matris, estque a magistratu confirmandus tutor, L. 2. ff. de Confirm. Tut. Si tamen mater ultra legitimam liberos haeredes instituerit; secus, si tantum in legitima; tum enim etsi tutor datus confirmari possit, non necessario debet.

Legitima a lege proxime defertur, quando non adest tutor testamentarius, in cuius tantum defectum succedit legitima. Ac quidem olim lege XH. Tabularum proximo agnato, vel pluribus, si plures gradu pares simul adessent, ut, quoniam hi jure antiquo succedebant intestato patri, etiam penes eosdem esset tutelæ onus; unde dicta: *Legitima agnitorum tutela.* Ac licet postea Praetor etiam cognatos admiserit ad successionem, t. t. ff. unde cognat. quoad tutelas tamen nihil immutavit. At sublata jure novissimo, Nov. 118. c. 4. et 5. inter agnatos et cognatos differentia quoad successiones, etiam tam avunculus, quam patruus ad tutelam admittuntur, quantum ad bona *allodialia*; non vero *feudalia*; in his enim quoniam adhucdum succedunt agnati soli, etiam soli tutores sunt. STRYCK. in exam. Jur. Feud. c. 7. Q. 45. BRUNNEM. ad Auth. Sicut. C. de legit. Tut. Cæterum jure novissimo et mater, si esse velit, est legitima tutrix suorum liberorum; vel, si

nolit, aut superstes non sit, avia: quin, testamentariorum tutorum defecti, legitimis aliis agnatis et cognatis preferuntur, *Auth. Matri et Avia C. qu. mul. tutel. off. fung. Nov. 118. c. 5.* neque solum in allodialibus, sed etiam probabiliter in feudalibus, etsi enim in his non succedant mater et avia, quia tamen tutela his non defertur ratione successionis, sed singularis affectionis, non appareat, cur a tutela in feudalibus excludi debeant. Si tamen renuncient secundis nuptiis, senatusconsulto Velleiano, *Nov. 22. c. 40. Nov. 89. c. 14. Nov. 118. c. 5. Auth. Matri. Aut. Sacramentum. C. quando mul. tut. off. fung. poss.*

Porro praeter legitimam agnatorum tutelam, erat jure veteri alia legitima *patronorum* in libertos et libertos impuberes: legitima *parentum* tutela in liberos impuberes emancipatos. *Fiduciaria*, que post mortem patris emancipatoris liberis ejusdem masculis, si perfecte ætatis essent, erat defata in impuberem emancipatum. Atque haec legitima tutela fiduciaria ex mente *JUSTINIANI* est, *Inst. h. t. ULPIANO* ante tutela fiduciaria fuerat tutela parentum. At haec tutelæ species hodie extra usum sunt.

Dativa, que deficiens testamentariis et legitimis tutoribus, ex lege a magistratu datur, *Inst. h. t.* Etiam *Attiliana* dicitur a *lege Attilia*, que auctore *ATTILIO REGULO* Trib. Pleb. haud dubie condita. Dabatur Romæ a Prætore urbano ex *L. Attilia*, in provinciis a *Præsidibus* ac, *L. Julia et Titia Inst. de Attil. tut. ff. de Tutorib. et Curatorib. dat. ab his, qui Jus dandi habent. C. qui dare Tutores.* Igitur tutela *dativa* subsidiaria est, data in subsidium, dum testamentaria et legitima deficiunt.

Finitur demum tutela 1º. *morte* sive *pupilli*, sive *tutoris*; nec enim ad hæredes transit, cum et in legitimam non tanquam hæredes, sed tanquam proximi agnati tutoris defuncti, et propinqui respectu pupilli succedant, *L. 16. ff. de Tut. 2º. Diminutione capitis, ac pupilli* quidem qualibet, *tutoris* tantum maxima et media, §. 1. 4. *Inst. h. t. 3º. Pupillo pubere factō, pr. Inst. h. t. 4º. Pupillo arrogato. 5º. Testamentaria, sub conditione et in diem data, veniente die et existente conditione, §. 2. 5. Inst. h. t. L. 14. ff. de tut. 6º. Etiam excusatione, Inst. h. t. ac remotione tutoris, ob suspecti crimen, Inst. cit. An et quando remotio tutorum post se trahat infamiam juris? multum inter Jurisconsultos controvertitur. Proinde juris et exercitii gratia sit.*

ARTICULUS VI.

AN TUTOR OB CULPAM REMOTUS NOTARI DICENDUS SIT, SIVE INFAMIS FIAT.

340. *Tutorem, qui ob dolum in rerum pupillarium administratione commissum removetur, a tutela non sine infamia recedere, facile inter omnes convenit, ac constat jure claro, Inst. de suspect. Tutorib. L. fin. C. de susp. Tut. L. 3. in fin. L. 4. ff. eod.* Atque liquidum est singulis, eum ob *culpam levem* recedentem nihil contrahere infamiae. Imo ob *culpam levem* removeri tutor *ut suspectus* non potest; saltem non debet, tam quia id ipsum pupillo damnosum foret, tam crebro mutari tutores, cum præsertim satis ei consuli possit actione tutelæ; tum quod *culpa levis* cum bona fide esse conjuncta possit. Tota igitur controversia eo recedit: an remotus ob *culpam latam* æque, ac remotus per dolum, fiat infamis, scilicet infamia juris, quæ atrox

pœna est; nam ita infames excluduntur a dignitatibus, c. 87. *de R. J. in 6. c. 23. de Accus. L. 2. C. de Dignit.*; evadunt irregulares, C. ult. D. 31.; nequeunt postulare, sive advocati munere fungi, L. 1. §. 3. et 6. ff. *de postul.*; nequeunt esse testes, c. 39. *Caus. 2. q. 7. etc.* Unde hujs quæstionis scopus intelligitur. *Culpa levis* autem est omissio diligentia quam communiter solentes ac diligentes, et prudentes adhibere solent. *Culpa lata* est omissio illius quod communiter homines, communi sensu utentes, facere solent, §. 3. *Inst. quib. mod. re contrah. oblig.*

341. *Dico. Tutor remotus ob culpam latam non fit infamis. Est communior ac verior Jurisconsultorum sententia.*

Prob. I. Ex L. 3. §. fin. ff. de suspect. Tutor. ubi dicitur, quod is, qui ob segnitiem, rusticitatem, vel inertiam, simplicitatem, vel ineptiam remotus est, salva existimatione tutela abeat: atq[ue] defectus hi omnes soli culpelevi adscribi non possunt, utpote quæ ex dictis est omissio illius, quod solentes ac industria facere solent pro rebus propriis conservandis, *L. 2. 5. §. 16. ff. fam. hercisc., L. 1. ff. de tut. et rat. dist.*

Prob. II. §. 6. Inst. de suspect. Tut. ait Imperator simpliciter, indistincte, ob culpam remotum non æque fieri infamem; ergo et culpam latam excipit: dictum enim de toto, vel genere, etiam dictum censetur de quavis specie sub genere contenta, nisi aliquæ species alibi reperiantur exceptæ, *L. 49. §. interest. ff. de Leg. 3. L. fin. C. de hæred. vel act. vend.* Et præsertim cum pœna et odia restringi debeant, c. 15. *de R. J. in 6. L. pen. ff. de pœn. cap.* Deinde textus §. 6. *Inst. de illa intelligi culpa* debet, de qua erat dubium, an tutor ob eam commissam infamis fiat, sed dubium erat tantum de culpa latâ; nam pœnam infamiae non incurri ob culpam levem, aliunde dubitabat nemo; haec enim pœna non esset proportionata culpæ levæ, dum quis non eam adhibuit diligentiam, quam diligens ac solers adhibuisset. Dein quia in pluribus legibus sup. cit. culpa latâ æquiparatur dolo, dubium fuit, an, sicut tutor ob dolum remotus incurrit infamiam, ita et remotus ob culpam latam; hoc dubium hie Imperator decidit, dicendo quod non æque, scilicet ac per dolum, infamis fiat ob culpam nimirum latam.

Prob. III. In pœnis atrocioribus culpa lata non æquiparatur dolo, nisi id clare exprimatur: sed pœna infamiae ad pœnas atrociores pertinet; ergo Maj. constat ex L. 7. ff. ad L. Cornel. de sica. Min. etiam patet ex effectibus infamiae supra recensitis: item ex L. 8. §. 2. ff. quod met. caus. ubi dicitur, viris honestis non minus famam, quam vitam cordi esse debere, et subjicit Jurisconsultus per existimationis amittendæ suspicionem talibus majorem ipso vitae periculo metum incuti. Unde et illud axioma: Fama et vita pari passu ambulant.

Accedit, quod in omnibus locis, in quibus de removendo suspecto, ac infamia ob remotionem incurrenda agitur, semper solius doli fiat mentio, ut §. 6. *Inst. cit. L. 11. §. notatur. ff. de his, qui not. infam. L. ult. C. de suspect. Tutor.*; ergo non debet ad culpam latam extendi, cum per se pœnas ac odia restringi oporteat, atque in dubio, saltem incerto ubi de gravibus pœnis infligendis agitur, semper admittenda sit interpretatio benignior, *L. 18. ff. de Legib. cum sequenti. Ac* demum ratio est, quod nimis durum sit, ut tutor, qui gratis gerit tutelam, et sepe invitus, etiam ubi nullus